

განმარტებითი ბარათი
საქართველოს პარლამენტის დადგენილების პროექტზე

**„საქართველოს პარლამენტის წევრის ამომრჩევლებთან
ურთიერთობის გაუმჯობესების ღონისძიებათა შესახებ“
საქართველოს პარლამენტის 2006 წლის 2 მარტის N2714-ის
დადგენილებაში ცვლილების შეტანის თაობაზე“**

ა) ზოგადი ინფორმაცია დადგენილების პროექტის შესახებ
ა.ა) დადგენილების პროექტის მიღების მიზეზი

N°32 (გორი), საარჩევნო ოლქიდან არჩეული მაჟორიტარი პარლამენტის წევრის ურთიერთობა გორის მუნიციპალიტეტის ამომრჩევლებთან გართულებულია რუსეთის ფედერაციის სამხედრო აგრესიის შედეგად დაზარალებული მოსახლეობის დევნილობაში ყოფნის გამო. აღსანიშნავია ის გარემოება, რომ დევნილები ამჟამად დროებით იმყოფებიან (ჩასახლებული არიან) საქართველოს სხვადასხვა რაიონებში, რაც კიდევ უფრო ართულებს მაჟორიტარი პარლამენტის წევრის კომუნიკაციას მათთან. ამომრჩევლებისათვის მნიშვნელოვანი მთელი რიგი საკითხების გადაწყვეტა ვერ ხერხდება შესაბამისი საარჩევნო ოლქის ტერიტორიის ფარგლებში. ამდენად, საჭიროა ზემოაღნიშნული მაჟორიტარი პარლამენტის წევრის დამატებითი მატერიალური უზრუნველყოფა, რაც ხელს შეუწყობს მაჟორიტარი პარლამენტის წევრის საქმიანობასა და მისი ამომრჩევლებთან ურთიერთობის გაუმჯობესებას.

ა.ბ) დადგენილების პროექტის მიზანი

დადგენილების პროექტის მიღების მიზანია N°32 გორის საარჩევნო ოლქიდან არჩეული პარლამენტის წევრის რუსეთის ფედერაციის სამხედრო აგრესიის შედეგად გორის მუნიციპალიტეტიდან დევნილ ამომრჩევლებთან ურთიერთობის გაუმჯობესების მიზნით აღნიშნული მაჟორიტარი პარლამენტის წევრის დამატებითი დაფინანსებით უზრუნველყოფა.

ა.გ) დადგენილების პროექტის ძირითადი არსი

დადგენილების პროექტის თანახმად, რუსეთის ფედერაციის სამხედრო აგრესიის შედეგად გორის მუნიციპალიტეტიდან დევნილ მოსახლეობასთან ურთიერთობის მიზნით №32 საარჩევნო ოლქში არჩეულ პარლამენტის წევრს პარლამენტის ბიუჯეტიდან ყოველთვიურად დამატებით გამოეყოფა 1070 ლარი.

ბ) დადგენილების პროექტის ფინანსური დასაბუთება

ბ. ა) დადგენილების პროექტის მიღებასთან დაკავშირებული აუცილებელი ხარჯების დაფინანსების წყარო

დადგენილების პროექტი გამოიწვევს დამატებითი ხარჯების გამოყოფის აუცილებლობას. აღნიშნული ხარჯები დაფინანსდება საქართველოს სახელმწიფო ბიუჯეტიდან საქართველოს პარლამენტისთვის გამოყოფილი ასიგნებების ფარგლებში.

ბ. ბ) დადგენილების პროექტის გავლენა ბიუჯეტის საშემოსავლო ნაწილზე

დადგენილების პროექტის მიღება არ მოახდენს გავლენას ბიუჯეტის საშემოსავლო ნაწილზე.

ბ. გ) დადგენილების პროექტის გავლენა ბიუჯეტის ხარჯვით ნაწილზე

დადგენილების პროექტის მიღება არ გამოიქვევს სახელმწიფოს მხრიდან ახალი ფინანსური ვალდებულებების აღებას.

ბ. დ) დადგენილების პროექტის მოსალოდნელი ფინანსური შედეგები იმ პირობით, რომელთა მიმართ ვრცელდება მოქმედება

დადგენილების პროექტის თანახმად, №32 საარჩევნო ოლქში არჩეული მაჟორიტარი პარლამენტის წევრი მიიღებს დამატებით 1070 ლარს ყოველთვიურად.

ბ. ე) დადგენილების პროექტის დადგენილი გადასახადის, მოსაკრებლის ან სხვა სახის გადასახდელის ოდენობის განსაზღვრის წესი (პრინციპი)

დადგენილების პროექტით არ დგინდება რაიმე სახის გადასახადი, მოსაკრებელი, ან სხვა სახის გადასახდელი.

გ) დადგენილების პროექტის მიმართება საერთაშორისო სამართლებრივ სტანდარტებთან

გ.ა) დადგენილების პროექტის მიმართება ევროკავშირის დირექტივებთან

დადგენილების პროექტი არ ეწინააღმდეგება ევროკავშირის დირექტივებს.

გ.ბ) დადგენილების პროექტის მიმართება საერთაშორისო ორგანიზაციებში საქართველოს წევრობასთან დაკავშირებულ ვალდებულებებთან

დადგენილების პროექტი არ არის კავშირში საერთაშორისო ორგანიზაციებში საქართველოს წევრობასთან დაკავშირებულ ვალდებულებებთან.

გ.გ) დადგენილების პროექტის მიმართება საქართველოს ორმხრივ და მრავალმხრივ საერთაშორისო ხელშეკრულებებთან

დადგენილების პროექტი არ ეწინააღმდეგება საქართველოს ორმხრივ და მრავალმხრივ საერთაშორისო ხელშეკრულებებს.

დ) დადგენილების პროექტის მომზადების პროცესში მიღებული კონსულტაციები

დ.ა) სახელმწიფო, არასახელმწიფო ან/და საერთაშორისო

ორგანიზაცია/დაწესებულება, ექსპერტები, რომელთაც მონაწილეობა მიიღეს დადგენილების პროექტის შემუშავებაში

დადგენილების პროექტის შემუშავებაში მონაწილეობა არ მიუღიათ სახელმწიფო, არასახელმწიფო ან/და საერთაშორისო ორგანიზაციებს, ან ექსპერტებს.

დ.ბ) დადგენილების პროექტის შემუსავებაში მონაწილე ორგანიზაციის (დაწესებულების) ანდა ექსპერტის შეფასება დადგენილების პროექტის მიმართ, ასეთი არსებობის შემთხვევაში

ასეთი შეფასება არ არსებობს.

დ.გ) დადგენილების პროექტის ავტორი

დადგენილების პროექტის ავტორია საქართველოს პარლამენტის წევრი გიორგი ტატიშვილი.

დ.დ) დადგენილების პროექტის ინიციატორი

დადგენილების პროექტის ინიციატორია საქართველოს პარლამენტის წევრი გიორგი ტატიშვილი.